

ՀԱՅԱՍՏԱՆԻ ԿՈՄՎՈՒՄԻ

Կ Ե Ն Տ Կ Ո Մ Ո Ւ Մ

Տեղի ունեցավ ՀԿԿ Կենտրոնի բյուրոյի նիստ: Քննության առնվեց ազգամիջյան հարցերի լուծման գործում որոշ պաշտոնատար անձանց ապօրինի գործողությունների մասին հարցը:

Նշվեց, որ իրադրության ապակայունացման, ազգամիջյան երկպառակության բորբոքումը չկանխելու, հակաօրինական գործողությունների, անգործունության դրսևորման և մի շարք ուրիշ խախտումների համար միայն 1988 թվականի դեկտեմբերին ՍՄԿԿ շարքերից հեռացվել է 13 ղեկավար, զբաղեցրած պաշտոններից հանվել են կուսակցական, սովետական, տնտեսական մարմինների 24 ղեկավար աշխատողներ, տրվել է 68 կուսակցական տույժ: Պաշտոններից ազատվել, կուսակցական կարգով պատժվել են քաղաքային և շրջանային օղակի իրավապահ մարմինների 12 ղեկավարներ:

Սակայն հանրապետության իրավիճակը շարունակում է բարդ մնալ այն բանի հետևանքով, որ կուսակցական, սովետական, տնտեսական և իրավապահ մարմինների դեռևս ոչ բոլոր ղեկավարներն են սկզբունքային հետևություններ արել ազգամիջյան հարաբերությունների ասպարեզում թույլ տրված լուրջ վրիպումներից: Հարկ եղած ձևով անգիջում հարձակողական պայքար չի մղվում ազգայնամուտրամադրություններ կրողների դեմ: Տակավին այդ աշխատանքին անմասն են մնում սկզբնական կուսակցական, արհմիութենական, կոմերիտական և ուրիշ շատ հասարակական կազմակերպություններ:

Քաղաքացիների սահմանադրական իրավունքների կոպիտ խախտումներ, ահաբեկմամբ, սպառնալիքներով ուղեկցվող

անկարգություններ են տեղի ունեցել Ստեփանավանի, Իջևանի, Գուգարքի, Եղեգնաձորի, Կրասնոսելսկի, Արարատի, Մասիսի, Վարդենիսի, Ամասիայի, Նոյեմբերյանի շրջաններում և որոշ այլ վայրերում:

Այս պայմաններում մի շարք ղեկավար կոմունիստներ անսկզբունքայնություն են թույլ տվել հանրապետությունում տեղի ունեցող դեպքերի, իրենց գլխավորած կոլեկտիվների և ենթակա կազմակերպությունների իրավիճակի գնահատման հարցում:

Հայաստանի կոմկուսի Կենտրոնի բյուրոն նշեց կուսակցության մի շարք շրջկոմների, քաղկոմների, ժողովրդական դեպուտատների սովետների գործկոմների, մինիստրությունների ու գերատեսչությունների, իրավապահ մարմինների ղեկավարների անբավարար աշխատանքը իրավակարգի և օրինականության ամրապնդման, քաղաքացիների սահմանադրական իրավունքների ու պարտականությունների խստիվ կիրառման ասպարեզում:

Ծրջանում իրադրության կարգավորման, ազգամիջյան ընդհարումների կանխման նպատակով վճռական միջոցներ չձեռնարկելու համար, որը հանգեցրել է մարդկային զոհերի և աղբբեջանական բընակչության զանգվածային արտահոսքի, ՀԿԿ Ստեփանավանի շրջկոմի առաջին քարտուղար Թու. Հ. Ծշմարիտյանին հայտարարվել է խիստ անատողություն, գրանցելով հաշվառման քարտում: Ժողովրդական դեպուտատների Ստեփանավանի շրջանային սովետի գործկոմի նախագահ, ՍՄԿԿ անդամ Ռ. Ա. Միրզոյանին հայտարարվել է խիստ անատողություն, գրանցելով հաշվառման քարտում:

Աննպատակահարմար է համարվել զբաղեցրած պաշտոնում նրա հետագա մնալը:

Ծրջանում ազգամիջյան հարաբերությունների քաղաքական ղեկավարումը չապահովելու համար, որը հանգեցրել է դրանց ձևախեղման և աղբբեջանական ազգության անձանց ինտենսիվ տեղափոխության, կուսակցության Իջևանի շրջկոմի առաջին քարտուղար Զ. Գ. Անանյանին հայտարարվել է անատողություն, գրանցելով հաշվառման քարտում: Ժողովրդական դեպուտատների Իջևանի շրջանային սովետի գործկոմի նախագահ, ՍՄԿԿ անդամ Լ. Ե. Օրդինյանին հայտարարվել է խիստ անատողություն, գրանցելով հաշվառման քարտում:

Հանդես բերած անսկզբունքայնության համար, որը արտահայտվել է ուսումնական հաստատություններում պարավունքների ընդհատումը չկանխելու մեջ, ինչպես նաև քաղաքականապես վնասակար ազդեցությունից սովորողներին և ուսանող երիտասարդությանը պատնեշելու միջոցներ չձեռնարկելու և այդ գործում դասախոսների և ուսուցիչների մի մասի բացասական դերի համար Հայկական ՍՍՀ ժողովրդական կրթության մինիստրը, ՍՄԿԿ անդամ Ս. Տ. Հախումյանին հայտարարվել է խիստ անատողություն, գրանցելով հաշվառման քարտում:

Հայկական ՍՍՀ ներքին գործերի մինիստր Հ. Ա. Հարությունյանի ուշադրությունը խրստիվ հրավիրված է այն բանի վրա, որ ժամանակին ներգործում միջոցներ չեն ձեռնարկվել հասարակական կարգուկանոնի պահպանությունում ուժեղացնելու նպատակով և անբավարար պահանջկոտություն է դրսևորվել անձնա-

կազմի նկատմամբ: Ստորադաս մարմինների ղեկավարների նկատմամբ դրսևորած ցածր պահանջկոտության, զանգվածային անկարգությունները և ազգամիջյան հողի վրա հանցագործությունները կանխելու հարցում նրանց պասիվ դիրքորոշման նկատմամբ հաշտվողական վերաբերմունքի համար Հայկական ՍՍՀ ներքին գործերի մինիստրի տեղակալ, ՍՄԿԿ անդամ Գ. Գ. Գրիգորյանին հայտարարվել է խիստ անատողություն, գրանցելով հաշվառման քարտում:

Կադրերի ընտրության և տեղաբաշխման գործում թույլ տված լուրջ վրիպումների, ներանց նկատմամբ պահանջկոտության նվազման համար, որի հետևանքով տեղի են ունեցել օրինականության զանգվածային կոպիտ խախտումների փաստեր և ծանր հանցագործություններ, Հայկական ՍՍՀ դատախազի տեղակալ, ՍՄԿԿ անդամ Գ. Ա. Ղուկասյանին հայտարարվել է խիստ անատողություն, գրանցելով հաշվառման քարտում:

Հանրապետության դատախազության և Հայկական ՍՍՀ ներքին գործերի մինիստրության կոլեգիաներին հանձնարարված է ուժեղացնել իրենց գործողությունների և ենթակա մարմինների կոորդինացումը, ներգործում միջոցառումներ իրականացնել հանրապետությունում սոցիալիստական օրինականությունը, իրավակարգը ամրապնդելու, քաղաքացիների սահմանադրական իրավունքների և պարտականությունների հուսալի պաշտպանությունն ապահովելու նպատակով, խիստ հաշիվ պահանջել այն ղեկավարներից, մյուս պաշտոնատար անձանցից, որոնք անհապաղ միջոցներ չեն ձեռ-

(Շարունակվում է 2-րդ էջում)

ՀԱՅԱՍՏԱՆԻ ԿՈՄԿՈՒՄԻ

Կ Ե Ն Տ Կ Ո Մ ՈՒ Մ

(Սկիզբը՝ 1-ին էջում)

Աարկում իրավախախտումները կասեցնելու համար: Առանձնակի ուշադրություն դարձնել կադրերի հետ տարվող աշխատանքի արմատական քարելավմանը, այդ մարմինները քաղաքականապես հասուն, ըսկզբում քային, բ ա մ ի մ ա ց մարդկանցով համալրելու: Հասնել աշխատավորական կուլեկտիվների և բնակչության հետ ներքին գործերի մարմին-

ների, դատախազության ավելի սերտ կապերի, կուսակցական կոմիտեաներին, սովետական մարմիններին սիստեմատիկաբար իրազեկ պահել օրինականության վիճակի. և դրա ամրապնդման Ապատակով ձեռնարկվող միջոցների մասին:

ՀԿԿ Կենտկոմի բյուրոն Հալաստանի կոմկուսի քաղկոմներին, շրջկոմներին, սովետական, տնտեսական մարմիններին, միմիստրություններին և

գերատեսչություններին պարտավորեցրեց խորապես վերլուծել քաղաքական իրադրությունը քաղաքներում, շրջաններում, ճյուղերում, ձեռնարկություններում, կազմակերպություններում ազգամիջյան հարաբերությունների վիճակը և իրադրության հետագա կարգավորման անհրաժեշտ միջոցներ ձեռնարկել այդ կապակցությամբ ՍՄԿԿ Կենտկոմի և ՍՍՀՄ Միմիստրների խորհրդրի ընդունած որոշումների

պահանջներին համապատասխան:

ՀԿԿ Կենտկոմի բյուրոն կուսակցական կոմիտեաներին հանձնարարեց խիստ պատասխանատվության ենթարկել այն կոմունիստներին, որոնք աջակցում են ըստ ազգային պատկանելության մարդկանց տարանջատմանը, թույլ են տալիս ծայրահեղական ելույթներ, բորբոքում ազգամիջյան թշմամանք: